

德明獨存其一二於釋文而已皇朝呂大防得本於宋次道王仲至家以較陸氏釋文雖小有異同而大體相類觀其作字奇古非字書傳會穿鑿者所能到學者攷之可以知制字之本也

晁氏又云予抵少城作石經考異之餘因得此古文全編於學官乃延士張貞傲呂氏所鏤本書丹刻諸石是不徒文字足以貽世若二典曰若粵纂之類學者可不
知與今其石當已不存而摹本亦未見傳之人間也世無好古之人雖金石其能保與

案古文尙書若作灋上从三艸下从古文女字汗簡亦載此字入女部晁氏所刻則不成字矣當時刊石之疏如此惜其石不傳無從攷核

薛氏季宣書古文訓序云隸古定書最古孔氏文義多本伏生之說唐明皇帝更以正隸改定而俗儒承詔文多踳駁古文是訓不勞乎是正之也

盛氏熙明書法考曰古文尙書乃後人不知篆者以夏竦韻集成不合古

案古文尙書所載古文與說文合者居多餘皆旁通假借之字非抄掇字書所能就夏竦古文四聲韻五卷卽以郭忠恕汗簡分韻編次而成汗簡中所引古